


Isol Diabolko Ong atahama?



Amazing Facts
Poraiani

2



Satanra

Sawa? Uan agangrikrikbagipa mitesan ong-aia ine bang-an bebera-a, indiba Sastrode agana je uan chong-mot ong-a aro ua nang-ko tol-napna aro nang-ni janggiko gimaatna miksongaha. Beben, ian gisik seng-gipa, indiba ka-namgijagipa gisiko salna changgipa uni gimin maiko aganaha unabateba bata. Ua maderangko, nokdangrangko, mondolirangko, aro jatrang gimikkoba ja-ga chakenga jedakode duk aro saknaaniko ia a-gilsako bariatna man-gen. Iano andalgipa rajani gimin aro na-a uni kosako maikai chegen Sastroni aiao inmangipa bebe ong-anirang donga!

1

Sanbaksa pap Abachengaha?

“Diabol chengonin pap ka-ronga.” (1 Johan 3:8).

“Gitchangipa chipu diabol aro Satan” (Parape-a 12:9).

Aganchakani: Satan, jekon diabol ineba mingaha, papko Abachengatgipa ong-aha. Sastro gride, namgijani Abachenganiko talatna amgijani dongaigenchim.



2

Pap kana skang Satanni bimungara maiachim? Ua bano dongachim?

“Na-a mairongpile salgioni ga-akaha, O ching-gipa, pringni depante!” (Isaia 14:12). “Unon ua uamangna aganaha, Anga salgioni mikka riprapa gita gaakgimin Satanko nikachim.” (Luk 10:18). “Na-a Isolni rongtalgipa abrio dongchina agan nangko donaha” (Ezekiel 28:14).

Aganchakani: Satanni bimungara Luciger ong-achim, aro ua salgio dongachim. Luciferko “Babylonna raja” ine **Isaia 14** o aro “Tyreni raja” ine **Ezekiel 28** o mesokaha.



3

Luciferni Abachenganiara maidake ong-achim? Sastro maikai uni gimin talataniko dakaha?

"Nang-ko ong-ataha" (**Ezekiel 28:15**). "Na-a toaniko mohor su-gipa, gisik gnangani gapgipa, aro nitoao chu-soksranggipa ... pilak gamchatgipa ro-ongrang nang-o pa-dapani ong-achim. Aro nang-ni sonako tekani, aro chatanirangko dakani nang-o gnangchim; nang-ko ong-atani salon uarangko tarisoahachim ... nang-ko ong-atchengani saloni kakketgijako nang-o nikjaona kingking na-a an-tangni re-anirango chu-soksranggipa ong-achim. (**Ezekiel 28:12, 13, 15**). "Na-a to nonggimin pindapgipa cherub ong-achim. Aro na-a Isolni rongtalgipa a-brio dongchina anga nang-ko donaha. Wa-alni ro-ongrangni jatchio na-a re-ruraaha." (**Ezekiel 28:14**).

Aganchakani: Pilak gipin sa-grerang baksana, Luciferko Isol ong-ataha (**Ephesurangna 3:9**). Lucifer pindapgipa cherub ba sa-gre ong-achim. Saksa pindapgipa sa-gre Isolni singhasonni jakasio chadenga aro sakgipin jakrao chadenga. (**Gitrang 99:1**). Lucifer sa-grerang gisepo chuatako aro de-doako man-gipa saksa sa-gre ong-achim. Luciferni nitoaniara chu-soksranggipa ong-achim. Uni gisik seng-aniara chu-sokgipa ong-achim. Uni ching-aniara aiao inmane gisiko nangatani ong-achim. **Ezekiel 28:13** dingtangmancha uko git dilna aro ringna ongataha ine mesokaniko daka. Mitam ki-tap segiparang bebera-aniko daka je ua sa-grerangni git ring-aniko dilgipa ong-aha.



4

Maiasa Luciferko Isolni kosako chakatna dingtangataha? Maidakgipa papko ua ka-aha?

“Nang-ni nitoaniko gimin nang-ni ka-tong de-doako man-aha, Na-a nang-ni ching-anini a-sel, an-tangni gisik gnanganiko ong-siataha.” (Ezekiel 28:17). “Nang-ni ka-tongo na-a agane inahachim ... Isol askirangni kosakona angni singhasonko anga chuatgen ... Chubatgipa gita anga an-tangko dakgen” (Isaia 14:13, 14).

Aganchakani: Gaora de-ani, mikbuani, aro chu-onikgijani Luciferi ka-tongo nakataha. Ua ru-utgijan Isolni biapko ra-na skaha aro Uni palo sakantikon an-tangko olakkichina dabianiko dakaha.

Chanchiatbo: Maina indakgipa olakkianiara nangchongmotgipa on-gaha? Ian Isolni aro Satanni gisepo nangtinggrikani japang ja-dil ong-aha. Manderangara kusi ong-nasa ong-atako man-aha aro Isolko olakkianichisan chu-sokatna ama. Salgini sa-grerangkomangba olakkina man-ja (Parape-a 22:8, 9). Satan an-tangna mangmang chanchianichi indakgipa olakkianiko man-na am-aha jekon Isolksa olakkina man-a. Ritcha bilsirangni ja-mano, jensalo ua Jusuko bakrao dakmajoaha, olakkianiara uni mongsonggipa skani aro mongsonggipa dake niani ong-kuenga (Mati 4:8-11). Da-o, ia bon-kamani salrango, Isol pilak manderangko An-tangko olakkina okamengon (Parape-a 14:6, 7), ian Satanko ka-o nangataha, je ua manderangko an-tangko olakkichina draatgen ba ong-jaode so-otako man-gen (Parap-ea 13:15).

Sakantian sakoba ba maikoba olakkian: bil, mingsing minggamani, cha-ani, katchaani, man-kamani, etc. Indiba Isol agana, “Angna agre nang-ni gipin isolrang dongjachina” (Reongkata 20:3). Lucifer gita, an-chingba sako olakkigen uko basee ra-ani donga. An-ching Ong-atgipana agre sakobasa ba maikobasa baseode, Ua an-chingni basee ra-aniko manderang-ge, indiba an-ching Uni kosako bobil dake chakatgiparang ine chanako man-sagen. (Mati 12:30). Isolna agre maikobasa ba sakobasa Onggan-chingni janggi tanganirango ra-chakode, Satanni ja-kurangko ja-rikaniosa an-chingde bon-egen. Isolko nang-ni janggi tanganio skanggipa donengama—ba Satannasa na-a dangdike on-eng? Ian dingchike sing-ani ong-eng, ong-jama?




5

Luciferni papni a-sel salgio mai ong-aha?

"Aro salgio dakgrikani ong-achim, Mikael

aro uni sa-grerang ua drakon baksa dakgrika; aro ua drakon aro uni sa-grerang dakgrikaha, indiba amjaha; aro uamangni biapko salgio man-jaha. Aro ua dal-gipa drakonko, chong-motan gitcamgipa chipu Diabol aro Satan minggipa, a-gilsak gimikko brangatgipako galataha; a-aona galataha, aro uni sa-grerangkoba un baksa galataha." (Parape-a 12:7-9).



Aganchakani: Lucifer bakgitamni baksa sa-grerangko tol-napaha (Parape-a 12:3, 4) aro salgio bobil dake chakatataha. Isolna gipin chol dongjaha indiba Lucifer aro gipin ga-akgimin sa-grerangko a-aona galataha, maina Lucifer Isolni singhasonko ra-sekna jotton ka-aha aro ian mande so-otani gitaba ong-aha (Johan 8:44). Uko salgioniko galatani ja-mano, Luciferko Satan ine mingsikaha, jeni miksonganian "bobil", aro diabol, chongmotan "kakketgijagipa" ine miksongani ong-a. Satanko ja-rikgipa sagerangko korereang ine mingsikaha.

6

Satannni kam ka-chakramara da-o bano ong-a? Ua manderangni gimin maiko chanchia?

"Unon Jihova Satanna aganaha, Na-a baoni re-baaha? Satan Jihovani aganchake inaha, a-ao re-jojoaoni, aro uano re-rooraoni" (Job 2:2). "A-ana aro sagalna duk; maina Diabol uni sal on-titisan ine u-ie, ka-onangbee na-simangona ong-onangaha" (Parape-a 12:12). "Na-simangni bobil Diabol, randanggipa singho gita sakoba minokna am-e re-roora" (1 Pitor 5:8).

Aganchakani: Bebera-oni bikpile, Satanni kam ka-chakram biapara a-gilsakan ong-a, norok ongja. Isol Adam aro Hobako a-ani kosako pamong ong-china onaha

(Abachenga 1:26). Jensalo uamang pap ka-ahaon, uamang ia pamong ong-aniko Satanna gimaataha (Romrangna 6:16), jean a-gilsakni sason ka-gipa, ba raja ong-skaha (Johan 12:31). Satan Isolni bimango ong-atgipa mandeni jatrangko chonnikaha.

Ua Isolko saknaatna man-jahani gimin, ua an-tangni ka-onanganiko Isolni dedrangni kosako ia a-gilsako ong-skaenga. Uan mande so-otrakgipa ong-a jeni miksonganian nang-ko gimaatna miksongani ong-a, indake Isolko saknaatskaenga.



7

Jensalo Isol Adam aro Hobako ongatahaon, maiko dakjachina Ua uamangko geetaha? Bamgijani biteara mai ong-genchim ine Ua aganaha?

"Indiba nama namgijako u-iani bolni biteko cha-na nangja; maina uni biteko cha-ani salon na-a sichongmotgen" (Abachenga 2:17).

Aganchakani: Adam aro Hobako nama aro namgijani bolni biteko chajachina aganahachim. Ua bolni biteko cha-ano sastiara sianian ong-genchim.

U-ie Ra-bo: Isol Adam aro Hobako Antangni jaktangchin dakaha ine gisik raatbo aro uamangko nitogipa bario donaha jeon uamang bol pangsana agre pilak rokom boloniko cha-na man-aha (Abachenga 2:7-9). Ian Isolni ka-sachakanichi nama baseaniko dakna uamangna on-aha. Isolo ka-donganichi aro beng-gipa bolni biteko cha-gijanichi, uamang bario jringjrotna donggnokchim. Satanko knachakna baseanichi, uamang pilak janggi tangna Japangoni—Isoloni katna basee ra-aha, aro sina nangaha.



8

Maikai Satan Hobako dakmajoaha? Maidakgipa tol-napaniko ua una Aganaha?

"Jihova Isolni dagiminarang matburungna bate chipu gisik cha-chipilbatachim. Aro ua ua me-chikko inaha, la barini mamung bolni bitekoba cha-nabe ine Isol inbebeahama? Unon chipu me-chikko inaha, Sichongmotjawa; maina Isol u-ia, na-simang uko cha-ani salon na-simangni mikron mikaogen, aro na-simang nama namgijako u-ie Isol gita ong-gen" (Abachenga 3:1, 4, 5).

Aganchakani: Satan Hobako tol-napna chipuko jakkalaha jean matburungrangni gisepo gisik seng-batsranggipa ong-achim jekon Isol ong-ataha. Mitam ki-tap segiparang bebara-aniko daka je chipuo bilna manani grangrang donga (Isaia 14:29; 30:6). Gisik ra-bo, ua Isolni sao on-kujana kingking ka-bakchi maljachim (Abachenga 3:14). Satanni tol-napanirangara: (1) Na-a sichongmotjawa, aro (2) biteko cha-e na-a gisik seng-batgen. Satan, jean tol-ako a-bachengdilaha (Johan 8:44), uan bebeko tol-a baksa brine Hobana aganaha. Je tol-anirang bebe ong-ani baksa brina, iarangan bilakgipa tol-napanirang ong-a. Ian bebe ong-a je uamang pap ka-ani ja-mano "namgijako u-igen." Isol, kasaanio uamangko namgijako u-ianiko ra-rikaha, jean ka-tong saani, duk ong-ani, saknaani, aro siani ong-a. Satan namgijako u-ianiko name nikata, tole agananichi Isolni cholonko ong-gija dake mesoka maina ua u-ia je manderang Uni cholonko ma-sisretgenchimode uamang Isolna ka-saoni bang-batan an-pilgen.

9

Maini gimin biteni on-tisako cha-aniara namgija ong-aha jean Adam aro Hobako barioniko rikgalataha?

"Uni gimin namako dakna u-ie uko dagjigipana uan pap ong-a" (Jakob 4:17). "Papko ka-gipa sakantian niamkoba pe-a, aro niamko pe-an pap ong-a" (1 Johan 3:4). "Aro Jihova Isol inaha, Nibo, mande nama-namgijako u-ina an-chingoni saksa gita ong-aha. Da-o, ua jak snile boljanggini bitekoba ake cha-e jringjrot tangnaba donga ... Indake ua mandeko a-rikataha; aro boljanggini ramako dongtimchina Eden barini salaramchi cherubrangko, aro wilwilgipa rikrakrikak ching-gipa tonualko donaha" (Abachenga 3:22, 24).



Aganchakani: Beng-gipa biteko cha-aniara pap ong-ahachim maina ian Isolni dakna nanganirangoni mingsako jegalaha. Ian Isolni niamko aro Uni nokgipa ong-aniko paraken bobil dake chakataha. Isolni ge-etaniko jegalanichi, Adam aro Hoba Satanko ja-rikna baseskaaha aro indake an-tangtango Isolni giseponiko dingtanganionia ra-baaha (Isaia 59:2). Satan jikseko uamangni pap ka-ani ja-mano boljaggioniko cha-angkugen ine ka-dongengachim, aro sigjigipa papirang ong-na man-gen, indiba Isol uamangko iako champengna barioniko rikgalataha.

10

Satanni saknaatna, tol-napna, ka-beatna, aro manderangko nisiaatna kam ka-anirangni gimin Sastroo maidake parape-aha?

Aganchakani: Sastro parakaniko daka je Satan pilak rokom to-lnapaniko jakkalronga aro manderangko nisiaatronga. Uni korerang toromigipa manderang gita an-tangtango mesokna man-a. Aro Satan salsaode seng-ani sa-gre dake mikkang pa-e bil gnangan baksa salgioniwa-alko ga-akatgen. Ua Jisuko dakjegen. Indiba na-a mikrakataniko man-aha, uni gimin an-tango ga-akatnabe. Jensalo Jisu re-bapilon, pilak mikron Uko nikgen (Parape-a 1:7). Ua bangbango aramrangonggen aro a-ako ga-dapjawa (1 Thessalonikarangna 4:17).

SASTRO SATANNI GIMIN AGANA

<i>Tol-napa/a-riksanala</i> <i>Parape-a 12:9, 13</i>	<i>Sastroko pe-sreta</i> <i>Mati 4:5, 6</i>
<i>Tol-e matnanga/mande so-ota</i> <i>Parape-a 12:10; Johan 8:44</i>	<i>Ja-ga chaka/cha-minoka</i> <i>2 Timothy 2:26; 1 Pitor 5:8</i>
<i>Isolni manderangni kosako dakgrika</i> <i>Parape-a 12:17</i>	<i>Pale cha-a</i> <i>Luk 13:16; Johan 13:2, 21</i>
<i>Patoko dona</i> <i>Parape-a 2:10</i>	<i>Champenganiko daka</i> <i>Luk 22:3-5;</i> <i>1 Thessalonikarangna 2:18</i>
<i>Aiao inmanirangko ka-a/tol-anirangko agana</i> <i>Parape-a 16:13, 14; Johan 8:44</i>	<i>Seng-ani sa-gre dake nikata</i> <i>2 Korinthisrangna 11:13-15</i>
<i>Sabisirangko ra-bara/dukrangko ong-ata</i> <i>Job 2:7</i>	<i>Korengrang pamongrang gita dakjea</i> <i>2 Korinthisrangna 11:13-15</i>
<i>"Diabol"ni ortoara tol-gipa ine ong-a</i>	<i>Salgioniko wa-alko ga-akata</i> <i>Parape-a 13:13</i>

11

Satanni tol-napanirangara aro kamrangara baditana bilakgipa ong-a?

Satan bakgittamni baksa sa-grerangko (Parape-a 12:3-9);

Adam aro Hobako (Abachenga 3) bebera-ataha; indiba Noahni salo sakchet manderangan jokaha (1 Pitor 3:20). Jisuni pal a-gilsak gimikan uko ja-rikaha (Parape-a 13:3). Uni tol-napanirangni a-sel bang-an jrinjrotna gimaatako man-gen (Mati 7:14; 22:14).

Aganchakani: Satanni kamo chu-sokaniara aiao inmanpile dal-a, ian bebera-na amsokpilgijani ong-a. Ua Isolni bakgittamni baksa sa-grerangko tol-napaha. Noahni salo, a-gilsakni sakchet manderangna agre pilakan tol-napako man-tokaha. Jisuni gnigipa re-bana skang, Satan seng-ani sa-gre, Kristo gita an-tangko nikatgen. Uni tol-napani bilara inditan bilakgen je an-chingni naljokanide uko nina re-angna jechakanisan ong-gen (Mati 24:23-26). Naa kuko knachakna jechakode, Jisu nangko Satanni tolnapaoniko chelchakgen (Johan 10:29). (Jisuni gnigipa re-bapilani gimin bang-bate u-inade, Poraiani Bak 8 ko nibo).



12

Basako aro bano diabol an-tangni sastiko man-gen? Maidakgipa sastiko man-gen?

“Uni gimin maikai maranko chimonge wa-alo soa, uandake a-gilsak bon-kamao ong-gen. Mandeni Depante an-tangni sa-grerangko watatgen, aro uamang uni songnokoniko pilak ja-gitdotanirangko, aro namgija dakgiparangko chimonge wa-alni a-kolo uamangko galgen; unon grape aro wagam chikmijila ong-gen” (Mati 13:40-42). “Aro uamangko brangatgipa Diabolko wa-alni aro gondokni wario galaha” (Parape-a 20:10). “O na-simang sao man-giparang, Diabol aro uni sa-grerangna dakso jringjrotni wa-alona angoni re-angbo (Mati 25:41). “Na-a an-tangni namgija dakani bang-beachi, an-tangni badingani kakketgijanio, an-tangni rongtalgipa biaprangko ong-siataha ... Aro nang-ko nigipa pilakni nikanio a-ani kosako anga nang-ko tappra pil-ataha ... Na-a ... aro na-a dongjawaha.” (Ezekiel 28:18, 19).

*A-gilsakni chon-kamao,
Satan gondokni wario
galako man-gen, jean tapra
changatako man-gen aro ua
dongjawaha.*



Aganchakani: A-gilsakni chon-kamao diabol papko nasiatgipa wa-alo ia a-gilsakon galatakoman-gen. Isol uni papni gimin, sakgipinrangko papo ong-atahani gimin, arolsolni ka-sagipa manderangkosaknaataniaro nisiani gimin bichal ka-gen.

U-ie Rabo: Jensalo Satan, wa-alo galatako man-on, Isol An-tangni dakgiminna baditan duk man-gen. Ia saknaaniara wa-alo galatako man-giparangsang ong-aijawa, indiba a-bachengo ka-saania Ong-atgipanaba ong-gen. (Norokni gimin talbatna, Poraiani 11 ko nibo).

13

Papni namjabegipa neng-nikaniko maidake bon-chotao namataniko dakgen? Uan ong-taigenma?

"Gitel agana, Anga tanga, angna pilak ja-sku dipangen,
aro pilak sre Isolna ku-rachakgen" (Romrangna 14:11;
Philippirangna 2:10, 11; Isaia 45:23 rangkoba nibo).
"Duk changgni chakatjawa" (Nahum 1:9).

Aganchakani: Papko namatna minggni nangchongmotgipa
obostarang ong-gen:

Skanggipa, pilak salgisako aro a-gilsako janggi
gnanggiparang, diabol aro uni sa-grerangkoba man-gope Isolni
mikkango ja-sku dipangen aro Uan kakketgipa, kakket bichal ka-gipa, aro toromigipa onge ine kurachakgen.
Mamung sing-anirangan aganchakgija dongjawa. Pilak papirang Isolni ka-saani aro janggi jokataniko ra-chakna
jegalhani gimin uamang gimana nangaha ine ku-rachakgen. Uamang pilakan jringjrotna sina krara ine
ku-rachakgen.

Gnigipa, pap, aro papko basee ra-gipa, diabol, korerang, aro uamangko ja-rikgipa pilak manderangko
chu-gimikan nisiatanichi papko a-gilsakoniko rongtalatgen. Iani bidingo Isol kattao namen rongtalbea; Uni
dakgiminrangko ba Uni manderangko saknaatna pap mamungdakeba chakataijawaha.

14

Sawa papko bon-chote, chu-gimikan a-gilsakoniko nisiatsranggen?

"Iani giminan Isolni Depanteko Parape-ataha, chongmotan Diabolni
kamrangko gimaatna ine" (1 Johan 3:8). "Uni gimin, dedrang an-chi
aro be-enko bak man-paani gimin, ua an-tangba ugitan apsanoniko
bak man-paachim; maikai ua siachi siani bil gnanggipako, chong-motan
Diabolko, gimaatna amgen" (Ibriirangna 2:14).


Aganchakani: Uni janggi, sia, aro chakatpilachi, Jisu papko gimaatsrangaha.

Isolni Ka-saa

15

**Maikai Isol
manderangni gimin
chanchimanchaa?**

**“Uni gimin Pagipa an-tangan na-simangna
ka-sara” (Johan 16:27; Johan 3:16;
17:22, 23 rangkoba nibo).**



Aganchakani: Pagipa Isol Jisuni ka-saani gitan manderangna ka-sara. Jisuni janggi tangao mongsonggipa miksonganide An-tangni Pagipani cholonko mesokanian ong-achim jedakode baditana chong-mot ong-e Pagipara ka-sara, aro simsakaniko on-a uko manderang u-ina man-gen (**Johan 5:19**).

Satan Pagipako Mesoksreta

Satan Isolko chanchina changgijagipa, a-te donggipa, tiktak daggipa, ka-sachakani grigipa, aro sepangona re-baako nangnikgijagipa ine mesoksretaniko daka. Daibol an-tangni nitogijagipa, bobil dake a-sel ong-atani kamrangko “Isolni kamrang” ong-a ine matnanganiko daka. Jisu Pagipani bimungko tol-e matnange agananiko ipake galna re-baaha jedakode ma-gipani ka-saanina bateba salgini Pagipa ka-sara ine mesokna man-gen (**Isaia 49:15**). Isolni chakchikani, rinok rinok dakani, aro ka-sachakanian, Jisuni namnikbatgipa japang kata ong-a.

Pagipa Sengchae donga

Nang-ko kusi ong-atna miksongani gimin, an-chingni salgini Pagipa jringjirotni namgipa nokko nang-na tarisoaha. Nangni agilsako jumang nikanide Uni nang-na donsoenggipa baksade mamungdakeba toatna amja! Ua nang-ko rimchaksona sengchana sikaenga. Hai an-ching manderangna u-iatna! Aro hai an-ching tarie dongna, maina uan da-o ru-utjawaha!

16

**Jisuni ka-saa gitan Pagipa
Isolba nang-na ka-saniara
namgipa kobor ine na-a
chanchiama?**



Nang-ni Aganchakani:

Nang·ni Sing·anirangna Aganchakaha

1. Adam aro Hobani chagipa biteara applema?

Aganchakani: An-chingde u-ija. Sastroo janapa dongja.

2. Diabolara gitchakgipa, adha mande aro adha matburung, grongrang aro ki-me donggipa bimang ong-a ine agananiara banoni a-bachengbara?

Aganchakani: Ian songsarek aganritingbaoni ong-a, aro ian diabolko namnikatna chanchisretataniko dakani ong-a. Ua chanchibewalna man-gipa manderangni ong-ronggijagipa matburungrangko tol-e banaigipa golporang ine jegalgen aro uni donganiko ra-chakna man-jawa ine u-ia. Jerangan diabolko bebera-ja uamangan altubate uni tol-napanirangchi rim-gittangako man-rongbata.

3. Isol Adamna aro Hobana aganaha, “Uni biteko cha-ani salon na-a sichongmotgen.” (Abachenga 2:17). Maini gimin uamang ua salo sijaha?

Aganchakani: **Abachenga 2:17** o man-gipa “sia” ingipa kata chong-motde, “sichongmotgen” ine ong-a jean bang-bata Sastrorango janapaniko dakaha, jeni ortoan Adam aro Hobana sianiona re-anggen ine miksongani ong-a. Pap ka-na skangde, jora pap gri sigijaniko man-ahachim. Ia pap gri ong-ani bewalko bol janggini biteko cha-anichiripingako man-ahachim. Pap ka-ani ja-mano, uamangni bewalrangara sianiona dingtangatako man-skaha, maina papni bewalrango ong-aha. lakosa ong-gen ine Isol uamangna aganaha. Boljanggini biteko cha-oniko champengani giminsa, soani aro ong-siroroangani—bon-chotao ta-raken siani Abachengaha. Gopram uamangna ong-aha. Ja-mano Gitel iani gimin indine aganaha, “Naa aa piljaskal, mikkang gramchie chaaniko chagen; maina unoniko nangko raaha; naa adimu, aro adimuan pilgen” (**Abachenga 3:19**).

4. Isol Luciferko ong-atahani gimin, Uan uni papna daitoko ra-na nangjachimma?

Aganchakani: Mamungdakeba nangja. Isol Luciferko pap grigipa sa-gre ong-e chu-soken ong-ataha. Lucifersa an-tangko diabol dakataha. Jaggitele basee ra-anian Isolni sorkarini niam ong-a. Isol Luciferko ong-atahaon pap ka-gen ine ma-siachim. Ua somoio, Isol Luciferko ong-atna jechakgenchimode, Ua An-tangni ka-saani nganggipa cholonko, chong-motan, jaggitele basee ra-aniko jechaka gita ong-gnokchim.

Jaggitele basee ra-ani Isolni ong-a

Lucifer maiko dakgen uko name daken ma-sioba, Isol uko ong-atkuaha. Ua apsandake Adam aro Hobana, aro nang-naba dakaha! Isol nang-ni atchina skangan, maikai na-a janggi tanggenchim uko u-iachim. Ua nang-na janggi tangna gita on-aha jedakode na-a Uko ba diabolko basee ra-na man-gen. Jaggitele mandena basee ra-aniko dakchina on-on, Isolko ong-gija dake aro tol-e matnangna nangnikaha.

Ka-sagipa Isolsa jaggitele basee ra-aniko pilaknan on-na daitoko ra-genchim.

Ia rasongan gapgipa aro nangchongmotgipa indin jaggitele on-aniana Isolonisan re-bana gita man-genchim. Indakgipa Ong-atgipa, Gitel, aro Ripengna dangdike on-nara baditan katchaani aro mandera-ani ong-a!

Nang·ni Sing·anirangna Aganchakaha

Isolna dangdike on-na basee ra-bo

Papni neng-nikani ru-utgijan bon-atako man-gnok. A-bachengode, pilakan “nambejokchim” (Abachenga 1:31). Da-ode, “a-gilsak gimik namgijagipao dongenga ine an-ching u-ia” (1 Johan 5:19). Pilakchin manderang Isol ba Satanko basee ra-eng. Isolni nang-na on-gimin basee ra-aniko Gitelna dangdike on-na ka-sapae jakkalbo.

5. Jensalo Lucifer papko ka-ahaon, maina Isol uko niasiatjaha aro indake papni neng-nikaniko ta-raken bon-atjaha?

Aganchakani: Isolni a-gilsakko ong-atania aro uno songdonggipa manderangna papara maiaba gitalgipa kata aro u-igijani ong-aha. A-bachengode Luciferba iani gimin chu-gimikde ma-sisokna man-jaha gita ong-aha. Lucifera gisik seng-gipa, mandera-ako man-gipa dilgipa sa-gre ong-achim. Uni aganani kata indake ong-engnaba dongachim: Salgide nama, indiba sa-grerangni bang-bate kam ka-anichi salgiara namdapananiko man-gnokchim. Pagipao donggipa jena man-gijagipa bil gnanganian dilgiparango chong-motgipa janggi tanganiko tangna mikkandalata ong-aha. Isol angni ku-pattianirango kakket ong-a ine ma-sia, indiba Ua ka-mikkenata gita chanchienga. An-ching an-chingni dilgipako, jean jaksokatna man-ja, an-chingni kusi ong-aniko aro salgio biapko duk ong-atna gita hukumko on-na nangchongmotja. An-ching kucholsan ong-e re-mikkangenchimode, Isol knachakgen. An-ching kam ka-chakatna nanga. Ong-jaode, an-ching pilakan an-chingni kamko namnikgijagipachi niasiataniko man-gen.”

Bakgittamni Baksa Sa-grerang Lucifer Baksa Bakrimaha (Parape-a 12:3, 4).

Luciferi jegrikani bang-a sa-grerango bebara-ataha, aro bakgittamni baksa unbaka bobil dakanio bak ra-aha. Isol Luciferko bakan niasiatgenchimode, mitam sa-grerang jerangan Isolni cholonko namedake ma-sikugijagiparange ka-saani pal kena gnangsa Isolna bamgenchim, aro indake aganenchim, “Luciferan kakket ong-bebeama? Chinga da-o mamungdakeba u-ina man-jawa. Uni gimin simsakbo. Na-a Isolni sorkarini gimin sing-oba, nang-koba so-otainaba donga.” Ua Luciferko bakan so-ote galgenchimode Isolni ong-atgimin janggi gnanggiparangni gisikrango neng-nikaniko mamungdakeba namatna amjawachim.

Isolara Ka-sae, Jakgitele Dangdike On-anikosa Nangnika

Isolara chong-motgipa ka-saanihi didiatako man-e, kusi ong-e, jakgitele dangdike on-anikosan nangnika. Je bamanian kenatanichisan didiatako man-ode, chu-sokgipa ong-jawa aro ka-sinde paponasa dilangako man-aigen.

Isol An-tangni Chong-motgipa Niamrangko Mesokna Satanna Somoiko On-eng

A-gilsak salgisakna nambata miksongani donga ine Satan a-kange ra-eng. Isol Satanna an-tangni bebe ong-anirango mesoke on-china somoiko on-eng. Gitel a-gilsako donggipa janggi sakantini bebeko u-iani ja-manosa papko niasiatgen—chong-motan Satanni sorkariara kakketja, mitchianian gapaia, ka-namja, tol-a aro niasiatgipa ong-a.



Salgi la A-gilsakko Nie Dongenga

Sastro agana, "Maina an-ching a-gilsakna, chong-motan sa-grerangna aro manderangnAbachenga niani ong-aha (1 Korinthisrangna 4:9). Salgi gimikan an-ching sakantini Kristo aro Satnni gisepo dakgrikanio bakko ra-eng. Dakgrikani matchotengahaon, janggi sakantian songnok damgnini niamrangko chu-gimikan ma-sigen aro Kristo ba Satanko ja-rikna baseaniko dakgen. Jerangan Satan baksa bakrime kam ka-na basee ra-aniko daka salgi aro a-gilsakni naljokgnina unbaksa nisikimite galaniko man-gen, aro Isolni manderang bon-chotao salgio an-tangtangni noko jringjrotni janggi tanganio naljoke katchana man-gen.

Nang.ni agananiko ba sing.anirangko iano sebo



Poraiani lesson 14 rangoni ia lesson sa ong-a!

Lesson prakan chong-motgipa alao inmanirang baksa gapatako man-aha jean nang-ko aro nang-ni nokdangko dingtangatgen aro nang-na baikamgipa ka-donganiko ra-bagen.

Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljokatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna "Adobe reader" ko jakkalbo.

1. San baksa pap Abachengaha (1)

Maikel
Lucifer
Gabriel

2. Skanggipa papko ka-chengo Lucifer bano dongachim? (1)

A-gilsako
Salgio
North Staro

3. Luciferi gimin changsao talatgiparango sandibo (6)

Ong-atako man-gipa sa-gre
U-ianian gaggipa
Salgini gipok gureo gakataha
An-tangni re-anirango chu-sokgipa ong-aha.
Salgini dogao nitimgipa
Sika moanio changbatgipa
Nitoanio chu-sokgipa
Pindapgipa Kerub

4. Luciferi bobil dake chakatanio bebe ong-ani gimin agananirango chin dakbo: (5)

Uko salgioni galataha
Ua gisik pil-e salgion dongkamaha
Ua singhasono donuaha
Uni bimumg Satan ong`baaha
Uan skanggipa pap ka-chenggipa ong-ahachim
Jisu uko galatako nikaha
Bak gittam baksa sa-grerang unbaksa ga-akaha.

5. Lucifer maiko nangnikaha? (2)

An-tango olakkianiko nangnikaha
Isolni singhasono ra-sekna aro Uni biapko ra-skana.
A-gilsak salgisak gimikchin bilrora.

6. Diabol, Satanni bebe onganirangni gimin sandie nibo: (4)

Uan gitachkigipa grong gnanggipa aro ja-a dakopgipa

Uni nokde norokosa ong-a.

Ua manderango nangnika

Ua seng-ani sa-gre dake mikkang pa-na man-a.

Ua aiao inmanani kamrangko dakna man-ja

Ua tol-gipa aro mande so-otgipa.

Ua salgioniko wa-al ga-akatna man-a.

Bang-a manderangan uko ja-rikgen aro gimaaniona sokgen.

7. Adam aro Hobani ga-akani gimin ka-mao mesokatgiparangoni badiarang kakket onga? (3)

Satan an-tango sa-gre gita dakjeaha
Satan Isolko tol-gipa ine aganaha.
Satan uamangna applerango on-aha an-ching u-ia.
Satan sknggipa Adamona re-bachengaha.
Satan uamango sigijagipa papirang ong-gnokchim ine ka-dongaha.
Uamango tol-napanio, Satan tol-a aro bebe ong-anirango brinaha.

8. Satanni bon-kamgipa sastini gimin maia kakket ong-ani donga? (4)

Ua waalo galako mangen.
Uni sa-grerang joke katgen
Salgio wa-al donggen.
Satan aro uni sa-grerang an-tangtango gualaha ine ku-rachakgen.
Papirang wa-alni gondoko galako man-gen.
Satan Isolni kakket ong-e bichal ka-aniko ku-rachakgen.

9. Jensalo Lucifer papko ka-ahaon, maina Isolara uko so-otjaha? (4)

Sa-grerang ma-sisretnaba donga
Haida mitamrang Isolna kennaba donga
Lucifer Isolna bate bilakbatachim.
Nangipa sa-grerangde Uko on-jawachim.
Luciferi miksonganiko mesokna somoiko nangaha.
Isolni miksonganiko kakket ong-a ine agana somoiko nangaha.

10. Bon-kamao maia mingsamangmang Isolni sorkariko kakket ong-a ine mesokgen? (1)

Mitam aiao inmanani kamrangko Isol dakgen.
A-gilsakni Pilak janggian Isolni ka-saaniko, aro kakket bichal ka-aniko ja-sku dem-e ku-rachakgen.
Salgini sa-grerang sakantikon Isolna dangdike onchina agangen.

11. Ka-mao on-sogipa maia bebe ong-anirang papni chong-mot ong-aniko mesoka? (5)

Jisu papko nisiatchong-motgen.
Papara Isolni niamko pe-enga.
Pap an-chingko Isoloniko dingtangataha.
Papara chena altuabegipa ong-a.
Satan tol-ani papko tariaha.
Papko changsa nisiatahaode, dongtaijawaha.

12. Ka-mao badiarang bebe ong-a? (5)

Satan an-tangni cholonrangko Isol baksa apsan ong-a ine agana.
Isol an-chingni ma-a paarangna bate an-chingna ka-sabata.
"Isolni kamrangara" "Satanni kamrang" ong-a.
Jisuni janggi tangani Isolni cholonko mesokaha.
Pagipa Isolaru ka-sachakani gripa ong-a.
Bang-a manderangan Isolko ma-sisreta.

13. Jisuni ka-saaha gita Pagipaba angna ka-sara ine u-ina anga namnikaha.

Bebe. Tol'a.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :		State :		Country :
Pin :		Bils :		Misi :

Nang.ni contact info-ko tik dake on.bo